

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





佛說大方廣曼殊室利經觀自在多羅菩薩儀軌經

唐特進試鴻臚卿三藏沙門大廣智不空奉 詔譯

佛說一切佛攝相應大教王經聖觀自在菩薩念誦儀軌經

宋西天三藏朝散大夫試光祿卿明教大師法賢奉 詔譯

佛說大方廣曼殊室利經觀自在多羅菩薩儀軌經、佛說一切佛攝相應大教王經聖觀自在菩薩念誦儀軌經



清刻龍藏佛說法變相圖

二經同卷

止八

佛說大方廣曼殊室利經觀自在多羅菩薩

薩儀軌經

佛說一切佛攝相應大教王經聖觀自在

菩薩念誦儀軌經

佛說大方廣曼殊室利經觀自在多羅菩薩

儀軌經

唐持進試鴻臚卿三藏沙門大廣智不空奉詔譯

受記品第一

爾時世尊復徧觀察淨居天宮告觀自在菩薩摩訶薩言善哉善哉善男子汝能愍念多衆生故住陀羅尼形而為衆生演說安立勸進隨喜解其理趣為修行者開示法要及諸護摩善巧方便能獲無上正等菩提及獲二乘人天之果以清淨身能為衆生作諸佛事

示現佛身安立寂靜無住涅槃若有衆生應以摩醯首羅身得度者即現摩醯首羅身為彼衆生演陀羅尼秘密之法乃至應以帝釋之身迦樓羅身緊那羅身摩呼羅伽悉地明仙日月星宿童男童女種種之身乃至異類二足四足多足無足有情無情三界之身而得度者即皆現之而為演說以是義故名觀自在爾時世尊復讚觀自在菩薩摩訶薩言善哉善哉善男子汝能如是善巧方便利益有情現種種身開示演說甚為希有是真清淨菩提薩埵汝於來世阿僧祇世界微塵數劫於平等光明普照世界當得作佛號曰平等光明普照如來應供正徧知明行足善逝世間解無上士調御丈夫天人師佛世尊令彼衆生住於無畏無諸熱惱無有變易究竟

寂滅然後方般大般涅槃爾時世尊授觀自在菩薩摩訶薩記淨居諸天及會無量菩薩摩訶薩衆以佛神力承普光明徧照之光普照十方無量世界而皆大明其中衆生遇斯光者快獲善利離諸苦惱悉發無上菩提之心一切大衆思念佛身各於本座寂然而住止八兩衆天華清涼香風普散大會爾時大衆於虛空中各見無量觀自在菩薩摩訶薩十方刹土靡不周徧時諸大衆同稱是言南無佛陀此是世尊威神之力一切衆會見此神變心得歡喜離諸疑惑爾時觀自在菩薩摩訶薩從座而起遶佛三匝頭面作禮瞻仰如來目不暫瞬熙怡微笑手持白拂誠心而住時他方世界一切諸佛各兩種種雜色華雲中有天妙衣華鬘金索瓔珞幢幡競迦尼網嚴

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



飾之具滿虛空中彌覆佛上又出妙聲讚言
善哉善哉如來今日爲觀自在菩薩摩訶薩
作法輪王摩訶灌頂

無量莊嚴具 及與妙音聲 過人天所讚
如是皆來現 十方諸如來 一切菩薩衆

六欲及色界 并無垢淨居 彼佛子灌頂

如是皆雲集 俱胝魔羅衆 及多類衆生

皆持妙供具 來獻佛菩薩 同願於未來

皆如觀自在

爾時觀自在菩薩摩訶薩頂禮尊足讚如來

已還就本座作如是言此陀羅尼過去諸佛

毗婆尸等及我世尊釋迦如來所共宣說隨

喜印可及於未來彌勒世尊阿僧祇等一切

諸佛亦當宣說作是語已入於普光明多羅

三昧以三昧力從其面輪右目瞳中放大光

明隨光流出現妙女形住於殊勝妙色三昧
無價雜寶而爲嚴身如融真金映瑠璃寶所
謂成就世出世間密言之要能息衆生種種
苦惱亦能喜悅一切衆生徧入諸佛法界自
性猶如虛空平等住故普告衆生作如是言
誰在變苦誰有流溺生死海中我今誓度作
是語已徧遊無量無邊世界還至佛所右遶
三匝頭面作禮觀自在菩薩摩訶薩足合掌
恭敬持青蓮華瞻仰菩薩受教而住思念如
來自在神力以清涼光普照衆生猶如世間
清涼月輪能除熱惱一切幽冥無不照了復
過於是含喜微笑憐愍衆生猶如慈母以慈
悲光普照佛刹諸天光明皆悉不現
爾時觀自在 吉祥清淨者 作禮世尊已
偈作如是說 我於俱胝劫 演說是多羅

理趣及密言 時節與方位 如是過去佛

亦皆廣宣說 如虛空無邊 無能限量者

我今於少分 隨事而演說 若人妙修行

勝願悉成就 十方與壽命 無不獲如意

若有諸衆生 現求人天果 受持是妙法

隨說而修習 無量俱胝劫 受上妙快樂

若欲求十地 滿足菩薩位 難勝與不動

善慧及法雲 受持多羅尊 俱胝與三億

隨其根利鈍 或十六洛又 如是妙修行

必獲如上事 若欲見觀音 吉祥清淨者

誦七洛又數 獲見無有疑 若求見勢至

無垢摩訶薩 誦滿俱胝徧 聖者必現前

若於三時中 寂靜心無染 一心常念誦

速疾滿六度 具足如來藏 涅槃及實際

光明不壞身 無等等三昧 坐於金剛座

轉無上法輪 開人天之眼 修行多羅故

如上皆圓滿 欲悟陀羅尼 儀軌諸方便

了義及修多 甚深之理趣 及息三有苦

當誦洛又徧 若欲求梵天 及與天帝釋

轉輪人天主 誦滿洛又徧 若欲遊雪山

及與泯提夜 須彌及鐵圍 薩醯與妙寄

摩賴妙幢山 吉祥及阿部 涅部剎羅娑

只怛俱吒等 妙色與間錯 清涼及尸利

如是仙聖宅 皆誦洛又徧 藥叉乾闥婆

羅刹龍宮等 乃至天宮殿 隨意皆能住

問決諸疑惑 隨事皆曉了 欲求如上願

應誦洛又徧 欲入脩羅宮 緊那羅所住

呼召藥叉女 及持明仙女 龍女緊那梨

應念皆來至 遊戲恣娛樂 及求延壽命

不死甘露藥 豐財及僕使 一切五欲樂

止八 五

應誦洛又徧 若我及如來 於俱胝數劫
 演說其功德 猶尚不能盡 持此多羅者
 應受人天供 多羅大悲者 一切之慈母
 天人及藥叉 無一非子者 故號世間母
 及與出世間 觀音大勢至 金剛與善財
 文殊須菩提 慈氏與香象 月光無盡意
 離垢虛空藏 妙眼及大慧 維摩等菩薩
 皆是多羅子 亦是般若母 三世諸如來
 一切摩訶薩 無一非子者 皆稱是我母
 慈育諸有情 安載如大地
 爾時觀自在說是偈已即為多羅菩薩說陀
 羅尼曰
 娜慕囉怛娜_合怛囉_合夜耶娜莫阿利耶嚩
 魯吉帝濕嚩_合囉耶胃地薩埵耶摩訶薩埵
 耶摩訶迦路你迦耶怛姪他

唵多唎咄多唎咄唎 莎嚩訶
 時觀自在菩薩說陀羅尼已以多羅菩薩威
 神力故一切世界所有眾生離諸苦惱皆獲
 安樂悉發無上菩提之心悉與法界體性相
 應入於出世無邊門藏一切眾會心生奇特
 歎未曾有

曼荼羅品第三

爾時觀自在菩薩摩訶薩告多羅菩薩言若
 女人為欲成就一切種智及欲滿足世間勝
 願應當修習如是秘要其曼荼羅一如今日
 釋迦如來在淨居天宮與諸菩薩集會之位
 其修行者先應擇地或於山峯或於河岸或
 近大海華果泉池寂靜之處離諸危難及蔑
 戾車怨賊毒蟲旃荼羅等雜穢之處量取四
 肘或八肘乃至十六肘掘深一肘去諸骨髮

六

六

灰炭荆棘不淨之物取河灰土及諸淨土先以五淨灑已即誦本尊陀羅尼一百八徧加持其土用填其地清淨隱築極令平整取黃牛糞不墮地者亦誦陀羅尼而加持已然後塗地於神通月及吉宿日或正月十五日二月八日十五日等從夜起首以青蓮華印加持壇地取五綵線拚其界道以五色粉搥畫爲之或七寶粉隨力而辦和諸香末誦陀羅尼四方三院先於中台畫釋迦牟尼佛坐寶師子座作說法相右邊應畫觀自在菩薩坐蓮華上瞻仰合掌持白蓮華身白紅色嚴飾瓔珞首戴寶冠左絡白神索左邊畫金剛藏菩薩右手持金剛杵身淺綠色次後應畫八大菩薩所謂彌勒菩薩大勢至菩薩曼殊室利菩薩地藏菩薩虛空庫菩薩除蓋障菩薩

薩陀波崙菩薩虛空藏菩薩於金剛藏菩薩下復畫降三世明王菩薩作忿怒形及畫月壓忿怒菩薩作接掌摧伏諸魔勢近觀自在菩薩畫毗俱胝白衣觀世音馬頭明王各如本色近馬頭菩薩畫大吉祥觀世音大日觀世音月觀世音豐財觀世音名稱觀世音於釋迦如來師子座下畫蓮華池於其池中有妙寶蓮華作赤光色如紅玻璃放大光明其蓮華中坐多羅菩薩左手持青蓮華右手仰安齋上如坐禪勢眼亦如是嚴飾瓔珞披紗縠朝霞衣怡然而住其壇四門幢幡華蓋欄檻陛楯難提商佉諸天音樂讚詠聖眾壇東面畫阿迦尼吒天眾少光天子無熱天子北邊畫妙見天子善現天子其門兩邊梵天梵輔天光音天大梵天四方各畫二天皆戴寶

冠披赤色衣或黃或白身無瓔珞坐禪而住
各以左手安頂上作敬禮相外院門側畫訖
哩瑟拏槃圖魔王瓔珞莊嚴少年之貌次畫
化樂天及兜率夜摩帝釋天子等近門而住
次畫四天王天迦樓羅天伊舍那鬼神主及
畫毗紐天持輪而住次畫半支迦大藥叉將
次畫染婆羅大藥叉及滿賢報賢藥叉王等
及畫訶利底大藥叉女日月星宿四姊妹割
底迦童子并二龍王難陀跋難陀等如是聖
衆皆須一心迎請以心發遣取白華置過伽
鉢中供養一切諸佛菩薩緣覺聲聞一切呪
仙世出世間皆須觀盡心供養以白檀龍腦
鬱金而爲香水散灑聖衆復以此香爲末燒
之當白是言惟願諸佛諸大菩薩一切聖者
與我悉地令我速出生死淤泥三稱是已隨

力所辦而爲供養心常繫請世出世間一切
呪天願加持我一一各結其本印而相應之
以八新瓶盛滿香水并置一切種子及七寶
金銀并諸藥草阿磨羅樹枝并楊柳夜合松
栢等葉以不截繒綵繫覆瓶上四瓶置內四
角四瓶置外四角又安八瓶第一一瓶供養
色界阿迦尼吒天衆第二一瓶供養淨居天
衆第三一瓶供養欲界天衆第四一瓶供養
諸藥叉天女及持明呪仙第五一瓶供養諸
佛世尊第六一瓶供養菩薩聲聞緣覺第七
一瓶於多羅前而作供養第八一瓶供養一
切衆生如是一切六瓶皆須一一如法布置
於壇四面各然酥燈塗香燒香華髮珍饌一
一皆如曼殊室利曼荼羅法皆以本尊陀羅
尼加持諸供養物於壇西南角去四五肘應

作護摩軍吒其爐方四角或一肘二肘深可
半肘爐中作蓮華形其爐穿造如擇地法取
新鑽淨火以乳木作柴取一切草華及五種
子和酥蜜酪先以酥三杓供養火天燒之次
蜜酪各三杓然後以五種子三置火中陀羅
尼曰

唵 阿毖你 莎嚩訶

誦此密言而加持之復取白檀鬱金龍腦香
等相和香水盛以瓦木金銀熟銅新淨之器
右邊安之請火天已取華香誦根本陀羅尼
擲燒供養火天右手取香水右旋灑火及用
本法先自護身次結青蓮華印想多羅菩薩
誦一千八徧取諸白華置過伽水想念本尊
捧而供養先傾三滴又取白檀鬱金龍腦和
酥蜜酪并取有乳木柴無節端直十二指截

一千八段一誦一擲爐中燒已多羅菩薩即
現其身告行者言汝求何願一切施與縱修
行者有積業重障亦現警誡或放光明或聞
雷震鍾磬等聲或於空中無雲而雨或香華
清涼妙風觸行者身遇斯瑞已生大慶悅諸
天人衆見修行者心生歡喜應知多羅菩薩
不久滿願若阿闍黎爲作此者發遣聖衆獻
過伽已即於道場如常誦念一千八徧圍遶
三市隨意經行每日三時或七日二七日乃
至七七日求自本願念誦念誦已即取多羅
菩薩本尊前瓶供養之水結青蓮印灌修行
者頂其灌頂處去壇八肘畫一蓮華而灌頂
已圍遶三市重獻過伽誦諸讚歎結本尊印
上置白蓮散於壇上以爲供養然後如常時
發遣壇中蓮粉置清淨流水之中不應踐履

曼荼羅處復用瞿摩塗之供養飲食應施衆僧及諸貧者曾入曼荼羅修行之人不應食此亦不得食茄子蘿蔔蓮華根莖亦不得踐履窳堵波影及阿闍黎父母之影清淨比丘修行人影乃至七佛菩提樹影並不應履

畫像品第三

爾時釋迦牟尼佛又復觀察淨居天宮告觀自在菩薩摩訶薩言汝今次應爲多羅菩薩說畫像法時觀自在菩薩摩訶薩承佛聖旨從座而起禮佛雙足復徧觀察淨居天宮而勅天龍夜叉乾闥婆阿蘇羅迦樓羅緊那羅摩呼羅伽及一切世界明呪仙作是誓曰汝等應當聽受憶念本三昧耶勿生疑惑若當來世有修行者應當擁護若起異心執金剛大藥叉將以金剛大焰杵摧碎汝頂命終之

後墮泥犁於無量劫受大苦惱爾時菩薩告誓已訖告多羅菩薩言若未來世諸修行者至求圓滿增上悉地當依我教如法畫像取新白氎及諸絹素不截幅者組織清淨無諸毛髮華及彩色必須新潔取第一畫工及發菩提心身器全者受八關戒或八肘四肘乃至一肘先於中台畫釋迦世尊坐於衆寶師子之座處淨居天宮身色如金作說法相左畫曼殊室利童子嚴飾瓔珞微作赤色著青色裙帔輕縠衣絡以神索右手執白拂左手持青蓮華莖瞻仰而住右畫觀自在菩薩身淺紅色髮戴寶冠化佛帶白神索於蓮華上胡跪而坐左手執蓮華右手於頂上作敬禮勢種種瓔珞莊嚴其身作微笑貌以次復應畫多羅菩薩無價雜寶而爲莊嚴身綠黃色

如盛年形作愍念微笑觀行者貌向觀自在
曲躬而住左手持青蓮華右作執吉祥果勢
於觀自在菩薩下應畫行者捧香爐作頂禮
勢於座右邊畫一金鉢盛熟阿摩羅果下方
畫少光天子無熱天子善見天子作聽法相
上方右邊畫阿迦尼吒天子左邊畫善現天
子右手散華左手作敬禮相上畫寶善諸天
妓樂四邊空處悉畫龍華若修行者至誠供
養頂禮一禮滅除億劫生死之罪

爾時觀自在菩薩摩訶薩復告多羅菩薩言
若修行人復欲成就第二畫像法者先於中
台畫無量壽佛倚菩提樹左邊畫離垢菩薩
白色種種莊嚴衣紗縠衣手持白拂側顧向
佛右邊畫四臂觀自在菩薩右第一手作無
畏印以中指大指捻數珠展手作摩頂勢第

二手作執杖形左第一手持紅蓮華第二手
執軍持觀自在菩薩右邊畫多羅菩薩妙寶
莊嚴身綠黃色掌捧青蓮華半跏而坐作恭
敬曲躬之相離垢菩薩下畫三目四手毗俱
胝菩薩身著素衣左第一手執蓮華第二手
執軍持右第一手作無畏印第二手執數珠
多羅菩薩下畫一髻羅刹眼赤黑色檐肚垂
下蛇爲瓔珞狗牙上出著虎皮裙蟒蛇盤髮
右手把鉞斧左手持蛇絹索以血塗身二手
合掌攢眉怒目作恐怖相爪甲纖利交絡象
皮毗俱胝下畫四臂馬頭菩薩二手結根本
印右手持鉞斧左手執蓮華丁字而立作忿
怒相像下畫難陀跋難陀龍王左手捧蓮華
莖右手作敬禮相地下畫地天捧寶盤胡跪
瞻仰四方四隅畫八方神上畫日月諸天妓

此八

十二

樂五色雲中灑甘雨勢觀自在菩薩下晝行者著白衣執香爐胡跪瞻仰若修行人於月八日或十五日或神通月或順吉宿應食乳粥華果等食或唯食香依先持誦法三時澡浴不應睡眠常坐茅草身衣白服數限欲終三日不食無限念誦對此像前於壇四角置香水瓶中挿夜合柳等諸香樹葉亦置七珍及五穀種以不截綵覆於瓶上行者坐左邊案上置曼殊般若散華經上八方置八淨器亦盛香水又置八椀乳然百盞酥燈種種飲食盛以新器置壇四角燒沉水香燒乳木火取沉香十二指截一百八段搵蘇合油一誦一燒滿一百八徧觀自在菩薩大悲聖者從東方來手持杖身衣白服妙寶瓔珞以為莊嚴以黑鹿皮作右

膊交絡髮戴寶冠現行者前放大光明普照地獄畜生餓鬼苦惱眾生遇斯光已身安快樂發菩提心行者見已散諸華香五體投地至誠歸命持盪伽水以獻菩薩時觀自在大悲聖者告行者言善哉行者汝等何願一切施與得印可已廿八所求心欲無不成就或飛騰虛空或安怛陀那或聞持延壽或根不具亦得圓滿或求伏藏入修多羅窟亦得隨入觀自在宮如是等一切上願世出世間無不成就復誦此密言發遣聖者陀羅尼曰
 娜慕囉怛那合二怛囉合二夜耶娜莫阿唎耶嚩魯吉帝濕嚩合二囉耶菩地薩埵耶摩訶薩埵耶唎唎唎蘇路蘇路薩嚩薩埵迦路尼迦孽蹉孽蹉阿唎耶嚩魯吉帝濕嚩合二囉也佉三麼耶滿努薩麼合二囉薩嚩合二訶

行者捧諸香華誦此真言七徧加持已散菩薩足下則成發遣

一 髻羅刹陀羅尼

娜慕囉怛那合二怛囉合二夜耶娜莫阿唎耶嚩

魯吉帝濕嚩合二囉耶冒地薩埵耶摩訶薩埵

耶娜慕翳迦惹吒耶麼阿囉乞灑合二斯阿夜

囉摩麼麼訶囉乞灑合二斯麼麼母迦薩嚩迦

唎也拈迦路四怛姪佉阿難帝薩嚩合二訶惹

夜也薩嚩合二訶薩嚩微近娜尾那夜建路乞

又合二路乞又合二薩嚩合二訶

此陀羅尼能令用功少成就疾亦是多羅菩薩使者故諸修行人應當誦念

佛說大方廣曼殊室利經觀自在多羅菩薩

儀軌經

於蓮華南葉位想現多羅菩薩手持綠色蓮

華菩薩真言曰

唵引多引哩引吐多引哩引吐哩引娑嚩合二

引賀三引

次於蓮華西葉位想部哩尼菩薩手持優鉢

羅華華內有八輻輪菩薩真言曰

唵引部引哩尼一摩賀引作訖囉合二嚩哩底

合二你引吽引二

次於蓮華北葉位想現鬘肩菩薩手持黃色

蓮華菩薩真言曰

唵引教哩合酤致一怛致二末吒音吽引三

次於蓮華東北葉位想現鉢訥摩合二嚩臬你

菩薩手持緋色蓮華菩薩真言曰

唵引摩賀引室哩合二曳引摩尼鉢訥彌引二合

吽引二

次於蓮華東南葉位想現嚩日囉合二鉢訥摩

合二說哩菩薩手持白蓮華菩薩真言曰

唵引嚩日囉合二鉢訥彌引二合濕嚩合二哩馱囉

鉢訥彌引二合吽引一

次於蓮華西南葉位想現尾說鉢訥摩合二菩

薩手持黑色蓮華菩薩真言曰

唵引尾濕嚩合二鉢訥彌引二合訖哩二合引

次於蓮華西北葉位想現尾說嚩日囉合二菩

薩手持羯磨杵菩薩真言曰

唵引尾濕嚩合二嚩日哩引二合吽引一

次於蓮華中心復想觀自在菩薩現大妙色

身真言曰

唵引訖陵引二合鉢訥摩合二那哩帝引二合濕嚩

合二囉吽引一

如是諸大菩薩及微妙真言若持誦人依法

作其觀想及誦真言專注不退是人當來速證佛果設受五欲樂亦能圓滿十波羅蜜及總持門乃至辟支佛十地菩薩佛寂靜句速得成就勿生疑惑

復次持誦之人亦須常服五種大乘之藥所謂冒地呬多羯哩布合囉囉訖多合贊捺那嚩日囉合烏那哥等若能常服如是之藥及持誦不輟速離老病苦增長壽命變於色相見者愛敬現世獲得成最上智

復次所有息災增益敬愛降伏乃至句召除滅諸魔發遣怨惡禁法打惡之法乃至飛空自在及諸三摩地等若修觀自在法悉皆成就觀自在菩薩根本真言曰

唵引紇陵引鉢訥摩合那哩帝合濕嚩合囉吽引一

六

十七

復次若持誦人常念此觀自在菩薩根本真言日誦一百八徧是人晝夜所作之罪悉皆消滅若日誦五百徧能除一切病若日誦一千徧得壽命增長若誦二千徧得衆人恭敬若持誦三千徧衆人愛敬增長富貴若持誦四千徧遠離貧苦若持誦五千徧能令一切怨家身心慌亂若持誦六千徧能降諸怨家若持誦七千徧能降四魔若持誦八千徧能降諸天及天女若持誦九千徧能降夜叉及夜叉女若持誦一萬徧能降天龍及人若持誦二萬徧諸隱身賢聖而作成就若持誦三萬徧能滿一切願若持誦四萬徧當得騰空自在若持誦五萬徧當得聖劍成就若持誦六萬徧當得持明天若持誦七萬徧得爲世間主若持誦八萬徧當得鐵輪王位若持誦

九萬徧當得金輪王位若持誦一洛又數當得菩薩位若持誦十洛又數當得自在滿十地位若持誦五十洛又數當證佛位若持誦一俱胝數當得具足極樂世界無量壽佛身口意等利樂衆生爾時世尊復說白衣菩薩真言曰

唵引半拏囉嚩引泉你一嚩囉禰引吽引

此白衣菩薩微妙真言若人常得持誦所有一切罪業悉皆消滅若能依法專注持誦滿一七日所有國城之內一切人民皆悉奉重若持誦一月獲大富貴如是持誦至一洛又數當得與菩薩威力無畏復次說尾路吉你菩薩真言曰

唵引尾路吉你一阿嚩路哥野娑嚩引二合賀

二引

五八

十八

此菩薩微妙真言若人依法持誦一萬徧當得聖劍成就若持誦人有所求事當取齒木加持二十一徧指齒而卧所求之事夢中皆說凡所說事悉皆真實復次說多羅菩薩真言曰

唵引多引哩引咄多引哩引咄哩引娑嚩引賀引三引

此菩薩微妙真言若人依法持誦一洛又數是人能降三界一切天龍阿脩羅持明天及彼等女來爲僕使無不隨心持誦人若欲作句召彼天龍及女等來者當想彼身赤色於其心中有金剛鉤光明熾盛鉤於彼心又想以鬚索繫於項頸作怖畏相凡所句者隨持誦時必定速至有所求事悉得隨心復次說部哩尼菩薩真言曰

唵引部哩尼摩賀引作訖囉合嚩哩底合你
吽引

此菩薩微妙真言若人持誦欲求成就者先
當用尾拏嚩合嚩日嚩合那哥等藥塗曼拏

羅如圓月相然後隨力備香華等於中而為
供養持誦之人然後敷座而坐十九一心專注持

誦不懈有所求事必獲成就見受快樂命終

之後當得生於極樂世界復次說鬘眉菩薩
真言曰

唵引教哩合訖致一怛致引末吒詳吽引

此菩薩微妙真言若人持誦欲作調伏法者

當取怨家足下土及河兩岸土復用毒藥芥

子鹽血及尾拏嚩合嚩日嚩合那哥等同和

為泥作怨家像用人骨為椶釘像身分肢節

盛鬪體內用鬪體蓋於尸陀林中用燒屍火

炙誦真言加持經三七晝夜決定調伏復次
說鉢訥摩合嚩臬你菩薩真言曰

唵引摩賀引室哩合曳引摩尼鉢訥彌引
吽引

此菩薩微妙真言若持誦時當先以香華等

五種供養已方可持誦能作一切處擁護若

於論義決定得勝得大自在與觀自在等若

以蓮華一萬數作護摩得為地主若用蓮華

一洛叉數作護摩得輪王位復次說嚩日囉

合鉢訥摩合說哩菩薩真言曰

唵引嚩日囉合鉢訥彌引說哩一嚩囉鉢
訥彌引

此菩薩微妙真言若持誦人作心念時便能

降伏句召若持誦七徧能擁護已身若持誦

千徧能除毒藥刀劍師子象蛇火賊禁縛海

千徧能除毒藥刀劍師子象蛇火賊禁縛海

鬼等難及除瘥珂哩枯合二那哥訥蹉哩彌合二

多訥哩朗合二礙多等病及辟除一切惡毒衆

生若持誦一洛又增長壽命老復成少身相

圓滿衆人愛敬若境內亢旱當於彼處擇地

畫作龍池即於池前上六心念龍名以白芥子及

鹽作護摩即降大雨一境豐稔復次說尾說

鉢訥摩引二合菩薩真言曰

唵引尾濕縛合二鉢訥彌引二合訖哩三合引

此菩薩微妙真言若人專注持誦當得具足

身口意業能成種種之事所謂禁伏法魘魅

法釘櫛法鉤他心法幻化法乃至開脩羅窟

及隱身飛空自在悉能成就復次說尾說縛

日囉合二菩薩真言曰

唵引尾說縛日哩合二吽

此菩薩微妙真言若持誦人專注不懈依法

持誦常能擁護自他及得一切敬愛乃至獲

大辯才能勝他辯又此菩薩能於地獄餓鬼

畜生等趣救度衆生發大精進如觀自在菩

薩若有信重佛法者菩薩當如其母常為擁

護佛言若復有人於此一切如來攝相應大

教王經觀自在菩薩念誦儀軌心無疑惑堅

固修行當得成就究竟之法又復有人不入

曼拏羅乃至具煩惱兼薄福等是人隨意所

欲行住坐立或語或笑不間是事恒發菩提

心想真實理常當持誦所作之法皆能成就

又復持誦之人發菩提心服五種聖藥所謂

摩賀囉訖當合二羯哩布合二囉囉訖多合二贊捺

那等聖藥依觀自在菩薩儀軌持誦及供養

賢聖是人雖不作佛像亦能獲得最上相應

成金剛薩埵菩薩之位速證菩提如是成就

當有何相彼菩提分法及波羅蜜總持門十地等自然成就若人悉能依於一切佛相應法持誦者即與一切佛無異

復次若持誦人心未寂靜不能了解相應之法我今為彼說懺像法若持誦人欲畫懺者先求巧妙畫人預令潔淨身心修持齋戒然用上好匹帛兩頭具葺者長二肘量用上好彩色於帛上畫一月輪於月輪中畫衆色八葉蓮華於華中心畫觀自在菩薩身赤色三面六臂頂戴寶冠內有阿闍佛右面黑色微現忿怒相左面白色六臂依法執持於蓮華東葉位畫尾路吉你菩薩身白色左手持赤色蓮華右手持金剛杵南葉位畫多羅菩薩身綠色左手持綠色蓮華右手持寶西葉位畫部哩尼菩薩身金色手持優鉢羅華內有

輪北葉位畫顰眉菩薩身紅白色手持黃色蓮華及持利劍東北葉位畫鉢訥摩合二嚩臬你菩薩身金色手持緋色蓮華東南葉位畫嚩日囉合二鉢訥彌合二說哩菩薩身如虛空色手持白蓮華及持玻瓈數珠西南葉位畫尾說鉢訥摩合二菩薩身秋月色手持黑色蓮華及持經法西北葉位畫尾說嚩日囉合二菩薩身種種色手持蓮華次於葉外四隅畫戲鬘歌舞四親近菩薩次於四門位想唵氣吽鑿囉呼等四微妙字變成鉤索鎖鈴四菩薩護於四門共六
三十二
復次說畫像法如前選擇巧妙畫人於素帛上畫觀自在菩薩身秋月色具相圓滿頂戴寶冠內有無量壽佛有八臂右第一手持數珠第二手執寶杖第三手執三叉第四手作

施願印左第一手執蓮華第二手執軍持第三手執胷索第四手持般若經以虎皮爲衣龍爲絡腋於蓮華上或立或跏趺坐於菩薩右邊畫持誦人手持闕伽鉢及香爐作恭敬相

復說畫像法如寶陀洛迦山相儀畫觀自在菩薩身白色具圓滿相白衣裝嚴右手持數珠左手搯頰作思念利益一切衆生相乘師子蓮華座左足垂下踏於蓮華右足在於蓮華座上

復說畫像法如前於素帛上畫觀自在菩薩身紅白色十臂右第一手持數珠餘四手作施無畏救衆生難相左第一手持雙莖赤蓮華上有般若經餘四手亦作施無畏救衆生難相乘師子蓮華座垂下左足以蓮華承於

止八

二十三

菩薩右面畫師子象火蛇左面畫賊禁縛海鬼等如是八難衆生遇之作菩薩救度之相復說畫像法如前用素帛畫觀自在菩薩處月輪中現種種色有十三頭各戴寶冠內有無量壽佛正面圓滿第十三面綠色現於馬頭有百臂手持種種羯磨器仗或畫百頭千臂亦復手持種種羯磨器仗如是一切畫像皆於右邊畫持誦人作胡跪恭敬手持闕伽鉢及香爐等相

如上諸像持誦之人隨心所樂畫於一相一一皆須發最上殊勝之心畫得像已即備辦殊妙種種香華飲食及一切供具於像前敷設請阿闍梨依法作慶讚已持誦之人然後自作潔淨於此像前安坐定心誦觀自在菩薩根本微妙真言若離諸疑惑專注不懈

一切所作決定成就

復次阿闍梨為作慶讚及與傳授根本微妙
真言已彼持誦人以弟子禮當以種種珍寶
金銀財物乃至國城及與身命皆可奉上阿
闍梨以為答謝何以故為如上法難得值遇
何況傳授是故虔心求阿闍梨願施歡喜又
復此法不得傳授容易之人是人心不恭虔
恐招惡報

佛說一切佛攝相應大教王經聖觀自在菩
薩念誦儀軌經

音釋

𡗗弋涉切 𡗗奴何切 𡗗披義切 𡗗胡谷切
𡗗相切 𡗗摩也 𡗗裙屬 𡗗縑紗也
𡗗母黨切 𡗗戶廣切 𡗗而中 𡗗搯也
𡗗大蛇 𡗗昏也 𡗗切 𡗗切 𡗗柱也
𡗗桑才切 𡗗下也

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

